

**Kev Xaiv Tus Neeg Sawv Cev Txiavtxim Siab (Guardian)/Tug Neeg Sawv Cev Txiavtxim Siab
Txog Nyiaj Txiag(Conservator)
Xaiv tus Neeg Txawj Ntse (Choose a Professional)**

Selecting a Guardian/Conservator
Choosing a Professional

Ib Tsab Ntawv tawm los ntawm MAGiC: Ib lub Koomhaum uas Khiav Txog Txoj Kev Ua Tus Sawv Cev Pab Txiavtxim Siab

Tus Neeg Sawv Cev Txiavtxim Siab lossis Tus Neeg Sawv Cev Txiavtxim Siab Txog Nyiaj Txiag yog dabtsis?

Tus Neeg Sawv Cev Txiavtxim Siab yog ib tus neeg uas tau raug tso cai los ua tus txiavtxim siab pab rau ib tus neeg uas nws tsis muaj cuabkav txiavtxim siab rau qee yam lossis tagnrho txhua yam ntawm nws tuskheej.

Tus Neeg Sawv Cev Txiavtxim Siab Txog Nyiaj Txiag yog ib tus neeg uas tau raug tso cai los ua tus txiavtxim siab pab txog sab nyiaj txiag rau ib tus neeg uas nws tsis muaj cuabkav txiavtxim siab rau qee yaam lossis tagnrho txhua yam ntawm nws tuskheej.

Tagnrho ob tus no, tus sawv cev pab txiavtxim siab thiab tus sawv cev pab txiavtxim txog nyiaj txiag yuavtsum tau kev tsa raws li txoj cai los ntawm rooj txiavtxim plaub ntug.

Vaj (Ward) – tus neeg uas muaj tus Sawv Cev Pab Txiavtxim Siab.

Tus Neeg Muaj Kev Tivthaiv (Protected Person) – tus neeg uas muaj tus Sawv Cev Txiavtxim Siab Txog Nyiaj Txiag.

Tus Neeg Sawv Cev Txiavtxim Siab/Tus Neeg Sawv Cev Txiavtxim Siab Txog Nyiaj Txiag – kev tsa raws le kev cai lijchoj.

Leej Twg Thiaj Ua Tau tus Sawv Cev Pab Txiavtxim Siab lossis tus Sawv Cev Pab Txiavtxim Siab Txog Nyiaj Txiag?

Ib tus neeg hauv yus tsev neeg, phoojywg, txhab tso nyiaj, koomhaum lagluam, cov neeg txawj ntse uas ua haujlwm sawv cev lwm tus neeg, koomhaum pab neeg, lossis txhua tus neeg uas muaj siab mov tshua txog tsa los ntawm rooj txiavtxim plaub ntug. Haujlwm tej zaum yuav muab faib rau ntau tshaj li ib tus neeg cov uas hais no.

Txoj haujlwm ntawm tus Sawv Cev Txiavtxim Siab los tus Sawv Cev Txiavtxim Siab Txog Nyiaj Txiag yog li cas?

Rooj txiavtxim plaub ntug yuav tso cai lossis tsis kam tso cai rau tus neeg sawv cev ntawm tus neeg uas tsis muaj cuabkav txiavtxim siab tau nws tuskheej ua tej dejnum xws li: txiavtxim siab rau kev kho mob lossis kev tu, qhov chaw nyob, zaub mov noj, khaub ncaws nhav thiab lwm yam khoom siv tu cev rau tuskheej. Tus sawv cev txiavtxim siab txog nyiaj txiag ntawd lub cuab tiam (estate) yuav tau kev tso cai lossis tsis tau kev tso cai los: them nuj nqi, tswjhwmm nyiaj txiag, sau nuj nqi rov qab, tswjhwmm lossis muag vajtse.

Puas Muaj Kev Tivthaiv Dabtsis rau tus Neeg Uas Muaj Tus Sawv Cev Txiavtxim Siab lossis tus Neeg Muaj Kev Tivthaiv?

Tus Neeg Sawv Cev Txiavtxim Siab thiab tus Neeg Sawv Cev Txiavtxim Siab Txog Nyiaj Txiag muaj kev saib xyuas los ntawd rooj txiavtxim plaub ntug. Txhua xyoo ib zaug uas tus sawv cev txiavtxim saib yuavtsum tau teb ib tsab ntawv qhia txog tus neeg uas tsis muaj cuabkav txiavtxim siab tuskheej tias

nws nyob li cas xa mus rau hauv rooj txiavtxim plaub ntug. Txhua xyoo ib zaug uas tus sawv cev txiavtxim siab txog nyiaj txiag ua ib tsab ntawv qhia txog tej nyiaj txiag ntawm tus neeg uas muaj kev tivthaiv khaws cia rau hauv rooj txiavtxim plaub ntug. Rooj txiavtxim plaub ntug yuav tshawb xyuas kom zoo saib tsab ntawv qhia txog nyiaj txiag ntawm tej tshev sau them nqi seb puas raug ib yam le ntaub ntawv muaj nyob hauv txhab nyiaj. Tej ntaub ntawv no khaws cia rau hauv rooj txiavtxim plaub ntug thiab neeg sawvdaws pom tau.

Tus neeg sawv cev txiavtxim siab txog nyiaj txiag tivthaiv tus neeg muaj kev tivthaiv tej nyiaj txiag thiab tej nyiaj tso ua lagluam kom tsis xob muab siv puamtsuj. Ua ntej yuav muag tau tus neeg uas muaj kev tivthaiv lub vaj lub tsev lossis tej khoom, yuavtsum sau ntawv qhia rau nws paub ua ntej, thiab nws niam nws txiv, nws tus pomniaj/txiv, cov mesnyuam, thiab lwm tus uas tau cai ua tus txais qub txees qub tes kom paub huv tipsis. Txhua tus neeg muaj cai, yog pom muaj yam tsis zoo, hais kom rooj txiavtxim plaub ntug hloov tus neeg sawv cev lossis hloov kev tso cai rau tus neeg sawv cev.

Yuav ua li cas yog tias Muaj Teebmeem txog tus Neeg Sawv Cev Txiavtxim Siab lossis tus Neeg Sawv Cev Txiavtxim Siab Txog Nyiaj Txiag?

Yog koj muaj kev nhyav siab txog yam dejnum lossis kev txiavtxim siab ntawm tus neeg sawv cev txiavtxim siab lossis tus neeg sawv cev txiavtxim siab txog nyiaj txiag, xub thawj koj yuavtsum tau tham nrog tug neeg sawv cev thiab nrhiav kev daws kom tsis xob muaj teebmeem. Teebmeem feem ntau yuav daws tau yog muaj kev sibtham totaub.

Kev cov neeg sawv cev ua tsis ncaj yuav luag tsis muaj kiag li. Tiamsis tau yog tias muaj, yuavtsum tau muaj kev daws. Tau yog tias tus sawv cev ho tau ua tsis ncaj:

1. Tivtauj rooj txiavtxim plaub ntug uas tso kev saib xyuas thiab qhia koj tej kev nhyav siab.
2. Ua ntawv tsis txaus siab foob txog qhov uas tsis zoo, kev tsis saib xyuas zoo lossis kev muab tus neeg laug uas tsis paub txiavtxim siab tej nyiaj siv phuamlam. Ua ntawv foob rau hauv khaubtis lub rooj tivthaiv, xws li Common Entry Point lossis Adult Protection.
3. Tau yog tias qhov teebmeem yog kev tub sab tub nyiaj, kom tub ceevwm tuaj ua ntawv teev tseg.

Tus Twg yog tug them nyiaj rau tus Neeg Sawv Cev Txiavtxim Siab lossis tus Neeg Sawv Cev Txiavtxim Siab txog Nyiaj Txiag?

Nqi them rooj txiavtxim plaub ntug, nqi them kws lijchoj, nqi them tus neeg sawv cev txiavtxim siab/tus neeg sawv cev txiavtxim siab txog nyiaj txiag yog los ntawm tus neeg muaj tus sawv cev txiavtxim siab lossis tus neeg muaj kev tivthaiv lub cuab tiam (estate). Tus Neeg Sawv Cev Txiavtxim Siab/Tus Neeg Sawv Cev Txiavtxim Siab txog Nyiaj Txiag, txawm tias tus ntawd yuav yog tsev neeg lossis lwm tus, muaj cai uas yuavtsum tau them nyiaj rau nws. Tus nqi rooj txiavtxim plaug ntug yuav tsuaj xyuas seb puas tsimnyog thiab. Thaum uas tus neeg uas muaj tus sawv cev txiavtxim siab tsis muaj nyiaj, yuav muaj kev tso cai txiav nws li nyiaj ua haujlwm los mus them rau nws tus neeg sawv cev thiab tus kws lijchoj, lossis khaubtis hos pab them qee yam.

Thaum twg thiaj yuav siv kom muaj tus neeg Sawv Cev Txiavtxim Siab lossis tus Neeg Sawv Cev Txiav Txim Siab txog Nyiaj Txiag?

Zoo hais kom rooj txiavtxim plaub ntug tsa muaj tus sawv cev txiavtxim siab yog thaum: tsis muaj lwm tus neeg yuav pab tau nws kom zoo rau nws; thaum tsev neeg xav kom lawv muaj kev sib raug zoo nyob li qub nrog tus neeg ua lawv movtshua; cia lwm tus txiavtxim siab rau tej yaam ua nyuab; tsev neeg muaj kev tsis sibhaum xeeb uas yuav kho tau; vim nyiaj txiag tsis xav kom tsev neeg txuam yuaj rau; lossis vim kev nyob deb. Tsev neeg uas muaj keebkwm quav cawv quav tshuaj, sib ntaus, xiam hlwb

los tsis meej pem, tej zaum yuav xav kom tau lwm tus neeg txawj ntse los ua tus sawv cev txiavtxim siab lossis ua tus sawv cev txiavtxim txog nyiaj txiag.

Kuv yuav nrhiav tau cov neeg txawj ntse qhov twg los ua tus Sawv Cev Txiavtxim Siab lossis ua tus Sawv Cev Txiavtxim Siab txog Nyiaj Txiag?

Cov neeg no yuav muaj nyob rau ntawm khaubtis, tsev laug, tsev kho mob lossis tej neeg ua haujlwm pab neeg (social workers); tus kws lijchoj uas pab hais rooj plaub; tus kws lijchoj uas rooj txiavplaub tsa los ua tus sawv cev. MAGiG kuj yuav muab tau cov npe neeg uas zwm rau hauv nws uas tau ua cov sawv cev txiavtxim siab los lawm.

Kuv yuav xaiv tus neeg li cas los ua tus Sawv Cev Txiavtxim Siab lossis tus Neeg Sawv Cev Txiavtxim Siab txog Nyiaj Txiag?

Tomqab uas koj txais tau ob peb lub npe, ua tib zoo mus xamphaj lawv. Nug txog lawv kev kawm ntawv, kev kawm los, thiab seb lawv puas tau ua dua txog yaam haujlwm uas tus neeg muaj tus sawv cev txiavtxim siab/tus neeg muaj kev tivthiav xav tau; lawv qhov chaw nyob seb deb los ze ntawm tus neeg uas xav tau tus sawv cev; lawv puas muaj cuabkav tso tau nyiaj ua chaw tuav cia (bond); lawv kev totaub txog kev ua haujlwm yam yog ib tus neeg txawj ntse (role of professional), kev txiavtxim siab tsis kho mob ntxiv—cia tus neeg tuag mus thiab kev koomtes nrog tsev neeg; kev paub txog kablig kev cai ntawm tus neeg xav tau tus neeg sawv cev, paub txog lwm haiv neeg, kev ntseeg/teev ntuj lossis kev cai. Tham kom totaub zoo txog tus nqi yuav them, yog pistsawg thiab yuav them li cas yog tias tsis muaj nyiaj npaj tseg cia los them.

Tham seb, yog thaum pom zoo lawv los ua tus neeg sawv cev lawm, lawv yuav cia tus neeg uas muaj tus sawv cev txiavtxim siab/tug sawv cev txiavtxim siab txog nyiaj txiag mus nyob qhov twg; lawv yuav tuaj xyuas heev npaum li cas; yog muaj kam ceev yuav hu lawv qhov twg; ntaub ntawv xa tuaj yuav ua li cas; lawv yuav tivtauj nrog cov neeg tu/tsev kho mob heev li cas; yuav saib xyuas kev tu li cas; nyiaj txiag yuav ceev thiab siv li cas; leej twg thiaj must au hauv tus neeg uas muaj tus sawv cev/tus neeg muaj kev tivthaiv lub vajtse; yog tias lub tsev muab muag lawm, qhov no yuav ua li cas.

Kev ua haujlwm nrog tus Neeg Sawv Cev Txiavtxim Siab/tus Neeg Sawv Cev Txiavtxim Siab txog Nyiaj Txiag

Yuav zoo heev rau tus neeg uas muaj tus sawv cev/tus neeg uas muaj kev tivthaiv yog tias tus neeg sawv cev txiavtxim siab/sawv cev txiavtxim siab txog nyiaj txiag, tsev neeg thiab tej phoojywg muaj kev sibraug zoo ua haujlwm pab nws. Qhov uas yuav ua tau li no yog muaj kev sibtham zoo thiab kev totaub zoo txog tus neeg sawv cev txiavtxim siab/neeg sawv cev txiavtxim siab txog nyiaj txiag txoj haujlwm. Paub txog seb rooj txiavtxim plaub ntug tso cai li cas rau tus neeg sawv cev txiavtxim siab ua tau. Tham seb tus sawv cev txiavtxim siab/sawv cev txiavtxim siab txog nyiaj txiag yuav ua lawv teg num li cas; tham seb koj feem koj ho yuav pab tau txij li cas, yam dabtsis koj xav paub txog thiab kev txiavtxim siab yam twg uas koj xav pab tswvyim rau. Teem kom muaj ib lub sijhawm sib ntsib tsi tseg tsi tu los nrog tus neeg sawv cev txiavtxim siab/neeg sawv cev txiavtxim siab txog nyiaj txiag tham thiab pom zoo tias koj yuav ua yam tws yog tias muaj teebmeem tshwm tuaj.

COV NEEG TXAWJ NTSE UAS UA TUS SAWV CEV TXIAV TXIM SIAB THIAB TSEV NEEG MUAJ LUB HOMP HAJ ZOO TIB YAM: TU TUS NEEG UAS KOJ MOV TSHUA KOM ZOO!

Minnesota Association for Guardianship & Conservatorship

www.minnesotaguardianship.org